

Na osnovu člana 7. Zakona o utvrđivanju i realizaciji potraživanja građana u postupku privatizacije ("Službene novine Federacije BiH", broj 27/97), Federalno ministarstvo finansija-Federalno ministarstvo financija (u daljem tekstu: Ministarstvo), donosi

UPUTSTVO

O UTVRĐIVANJU I NAČINU PRENOSA POTRAŽIVANJA GRAĐANA ČIJI SE DEVIZNI RAČUNI VODE U BANKAMA KOD KOJIH SU ORGANIZACIJSKE JEDINICE NA TERITORIJI FEDERACIJE PRESTALE SA RADOM

- 1) Ovim uputstvom se propisuje način utvrđivanja i prenosa potraživanja fizičkih lica (u daljem tekstu: lica) koja imaju deviznu štednju u bankama ili poslovnim jedinicama sa sjedištem na teritoriji Federacije iznad 100 DEM, a bila su državljani Bosne i Hercegovine na dan 31. marta 1991. godine i imali prebivalište na teritoriji Federacije BiH, na dan 28. novembra 1997. godine, kod kojih su organizacione jedinice prestale sa radom.
- 2) Utvrđivanje iznosa i prenos potraživanja lica u tački 1. ovog uputstva na Jedinstveni račun štediše vrši centrala banke, odnosno organizaciona jedinica banke u mjestu njenog sjedišta.
- 3) Pod organizacionom jedinicom iz tačke 1. ovog uputstva podrazumijevaju se sve organizacione jedinice banke na teritoriji Bosne i Hercegovine.
- 4) Utvrđivanje potraživanja se vrši na osnovu dokumentacije banke ili devizne štedne knjižice.
- 5) U slučaju da se potraživanje po osnovu deviznog štednog računa koji se vodio u organizacionoj jedinici izvan teritorije Federacije BiH koja je prestala sa radom, ne može utvrditi usljed nepostojanja dokumentacije banke niti devizne štedne knjižice, banka će putem Ministarstva zatražiti provjeru zahtjeva lica.
- 6) Banke mogu Ministarstvu proslijediti zahtjeve za provjeru deviznih štednih računa do 30. 4. 1998. godine.
- 7) Ministarstvo će putem nadležnih institucija Republike Srpske preduzeti mjere za provjeru deviznih štednih računa.
- 8) Ministarstvo će obavijestiti banku o rezultatima provjere zahtjeva iz tačke 5. ovog uputstva do 20. maja 1998. godine.
- 9) Potraživanje lica iz tačke 1. ovog uputstva, banka prenosi na Jedinstveni račun štediše po postupku i načinu koji propisuje Uputstvo o evidenciji i realizaciji potraživanja građana sa Jedinstvenog računa ("Službene novine Federacije BiH", broj 1/98).

10) Ovo uputstvo stupa na snagu danom objavljivanja u "Službenim novinama Federacije BiH".